

დ რ ო ე ბ

სურათებიანი დამატება

გაზეთის № 112.

კვირა, 24 მაისი 1909 წ.

დამატების № 20.



ჭრული ბერას ომი ქისტებთან.

ხალხური


(ჩაწერილი სოფ. გოსციბეში).

ჩამოემტერა ქისტებსა
 ჭრული ბერაი ჩონელი;
 ქისტების სამტროთა ზრდიდა
 ბერასა მისი მშობელი.
 ვახდა ქისტების ჯალათი,
 იმათი სისხლის მშრობელი;
 თუ შეჰხვდის, დაფანტის ქისტნი,
 ვით ქარმა ჩალა-ფოთელი.
 მას წელზედ ერტყა ფრანგული
 ვაჟკაცის მკლავ-მმაგრებელი,
 მხარზედ ეკიდა სიათა
 ტყვია თვალისა მსწრობელი,
 მით გაუშხამის ქისტებსა
 იმათი წუთი-სოფელი.
 რათ მტრობდა ბერა ქისტებსა,
 ნუ თუ არა ხართ მცნობელი?
 მათ შორის დიდი დავა,
 განა თუ ცოტა ოდენი!
 ვით ბარად, ეგრე მთიელთა
 მტერი გვყვავს თმათა ოდენი.
 ტყვედ წაიყვანეს ქისტებმა
 ბერაის ბიძაშვილები;
 შეიქნა ქალ-ვაჟის ძებნა,—
 ამბავი მოსახილები;
 ჩვენ თუ გვეგონა არავეში
 ქარისგან გადაყრილები;
 დიდხანს ეძებდნენ დაკარგულთ
 ესე გზა აწეწილები.
 ბოლოს ვიფიქრეთ-იმ, ბაღლებს
 მოიპარავდნენ ლილღვები.
 დავბრუნდით, შინ წამოვედით
 გულზედ ხელ დაკრეფილები.
 ბერამ ხევსურეთს გზა დადო,
 ესტუმრა თამარიძესა;
 სთხოვა,—ჩემი მტრის სოფელი,
 ძმაო, მასწავლე ღვთის მზესა.
 მსმენია, თამარიძეო,
 შენც რკინის გული გიდევსა,
 წამართვეს ბიძაშვილები,
 მას ვერ მოუთმენ ქისტებსა.
 ავით მორჩა, თუ კარგათა,
 მათი თათბირი იმ დღესა,

როგორც მთიელთა წესია,
ამრიგათ დაიფიცესა:
ღვინოში ვერცხლსა ჩასთლიან,
მას ეძახიან ფის ვერცხლსა;
იმითი ძმობილდებიან,
ორნივე იმას სმიდესა.
აქვე ორთავე ძმობილთა
სიტყვა ერთმანეთს მისცესა.
ხევსურმა უთხრა ბერასა:
ვიცხოვროთ, როგორც ძმანია,
ვიყენეთ სუყველა საქმეში
ერთ-ურთის თანახმანია;
წავართვათ ერთი ორათა,
რაც ღილღვებს წაუტანია;
მათ ჩვენიც ბევრი წაუსხამთ
ცხენი, ძროხა და ცხვარია.
აღარ ვიშიშვი შენთანა,
რას გვიზამს მათი ხმალია!
ჩვენზედ წყალობით ყოფილა
ჩვენი ხახმატის ჯვარია;
ხევსურთა ძმათ და საშველათ
ბერაი მოუყვანია.
რაც ვეძებ კარგსა ძმობილსა,
განა ცოტაი ხანაა?

რაც ზურგით იზიდებოდა,
გულაში პურიც ჩადვესა;
ავრთვე ტყვია-წამალი,
რომელიც ომში არგებსა.
წინ თამარიძე გაუძღვის,
უკან ბერაი გაზღვესა.
გზა დაულოცეს ხევსურთა,
ქულები მოიხადესა:
ორივეს ღმერთის წყალობა
საცა წახვიდეთ, წაგყვესთა.
თამარიძე და ბერაი
მთაზედ ავიდნენ მას ღღესა;
თქვეს: არა გვნახონ ქისტებმა,—
ბინდამდე მოიცადესა.
ბერასა ასე ურჩია ხევსურმა თამარიძემა:
აქ ჩავესაფრნეთ კლდეებში,
მინამდე შემობინდება,
ღღისით ნუ წავალთ, ძმობილო,
ვა თუ შეგვიტყონ ქისტებმა,
ყოველის მხრით გზას შეგვიკვრენ,
შინ მისვლა გაგვიკირდება!
ბერამაც უთხრა ხევსურსა:
რაც ბრძანო, ეგრე იქნება,
გაუფთხილებელი კაცი

სამაგიეროს ითხოვსა.
მათ არ ეშინის მტერისა,
მათი ჯაბნობა ვინ თქოსა!
ეგრე შერივან მტრეებსა,
ვით ქორი ქათამს იყოსა,
თოფებში სდებენ ტყვიასა
დიდი კაკალის სიმსხოსა,
არ დააცდენენ ნიშანსა,
ცას გაფრენილიც იყოსა.
აღმოსავლეთით ნამგზავრი
მზე დასავლეთში ჩავიდა,
ბუნებამ გლოვა მიიღო
და შეიმოსა შავითა;
მხეტაც დასტოვეს ბუნავი,
შესაფარისი თავისა,
აღარსად ჩიტი ჭიკჭიკებს,
აღარც ყორანი ჩხავისა,
მწყემსნიც მივიდნენ სოფლათა,
არსად-ხმა ისმის მგზავრისა.
ღამდება. ტყენი და ველნი
შავითა იმოსებიან;
ღილ-ღოს სოფლისა მუშანი
შინისკენ ეშხადებიან.
თამარიძემ უთხრა ბერას:



აკაკის იუზილენი სტამბოლში 26 აპრილს.
(იხ. «დროება» № 101)



აკაკის იუზილენი სტამბოლში 26 აპრილს.
(იხ. «დროება», № 101)

ეხლა კი შევიყარნით
ორანიც კაი ყმანია;
ქისტების ჯავრს ამოიყრის
ჩემი ფრანგული ხმალია.
გამართეს სმა და სიმღერა,
ლუდი სვეს ჯიხვებითაო;
ამბობენ: ჩვენი მფარველი
უფალიმც იქნებისაო;
გვწყალობდეს ხახმატის ჯვარი
ღუშმანი ქისტებისაო,
გაუწყდეთ ტყვია-წამალი
ღილღვებსა ღვთის ნებითაო,
ტიროდენ ცხელის ცრემლითა
დედანი ღილღვებისაო.—
ძმობილნი ასე ამობენ
ერთ ურთის იმედითაო;
ომს ბედვენ ხმლით და თოფითა,
განა თუ ისრებითაო.
გათავდა აქ რა სადილი,
საგზალი მოიშხადესა,

ფათერაკს წაეკიდება,
მტერი მოიგდებს ხელშია,
მოსისხლედ შეეკიდება;
უგრძნობსა მაშინ არ არგებს
მეტი სიმძლავრე, დიდება;
ქკვიანათ იგი ცნობილა,
ვინც მტერსა გაუფრთხილდება,
უგუნურს კაცსა, ლაჩარსა
კეთილი დაუმცირდება,
ვით ვირსა მკლესა, უსუსურს
კეთილი დაუმცირდება;
მეომარი უგრძნობელი
სიკვდილს ზურგს ეეკიდება.
ძმობილთ იმ ღღეს კლდეში დაჰყვეს,
თვალთ ხედვიდნენ ღილ-ღოსა,
მტრისგან მიუვალს სოფლებსა,
გზასა და ხევსა ვიწროსა;
მთასა გვერდიან-კლდიანსა,
არცა ერთგანა მინდორსა.
მიღის ძმობილი ძმობილით,

ეხლა ჩავიდეთ ძირსაო,
ქისტნი სულ სოფლად მივიდნენ,
შიში არ არის მტრისაო;
იმ დროს ვესტუმრნეთ ქისტებსა,
რომ აპირებდნენ ძილსაო,
სულ ყველა ტანთა გაიხდის,
იარაღს აიყრისაო,
მივექრნეთ ბანით, ვესროლოთ,
რისხვა დავმართოთ ღვთისაო.
ვეცადნეთ ჩვენც არ დავგზოცონ,
დრონი ვიპოვნოთ ცდისაო,
ხალხმა ყვირილი არ შექნას,
ხმა გაგვივარდებისაო;
ჩქარა დავგვეხმიან თავსა
მდევარი ქისტებისაო;
თუ რომ დავგზოცენ, გავხდებით
საქმელი მძოვრებისაო
და თუ გადავრჩით, დავბრუნდეთ
უკანვე ამავე გზითაო.
ბერამ სთქვა: კარგი სიტყვა სთქვი,



კარგადამც ჩემი თავია,
 მე ჯერ ბალლი ვარ, რა ვიცი
 ომისა უნახავია;
 აწ კი გცნობ, ძმაო, შენ კიდეც
 არა ხარ ომის ხამია,
 ვინც შენ თათბირს დაიწუნებს,
 ვაი იმისი ბრალია,
 გამოვიდნენ და გასწყვიტეს
 სიტყვა და საუბარია.
 უშიშრად ჩამოიარნეს
 კლდე ჩასავალი სალია;
 ძირს ჩამოვიდნენ ძმობილნი,
 გაჩერდნენ ცოტა ხანია;
 შემდეგ იარეს ფარულად
 იგი სოფლისა გზანია.
 ეგრემცა შევლენ სოფელში,
 ვერავინ დაჰკრას თვალია.
 მიაღვნენ ერთ სახლის კარსა,
 ღია დაუხვდათ კარია,
 სიმღერას რამეს იტყოდნენ
 მათი კაცი და ქალია.
 ქისტებმა რომ შემოხედეს,
 ბინდი წაუათ თვალშია;
 იცნეს, რომ ორი გურჯია,
 ტანზედ აღმასი ასხია.
 ბერაის ნაკრავი ხმალი
 მასპინძელს მოხვდა თავშია;
 სამტეროდ გამორევია
 ეს ორი მგელი ცხვარშია.
 ოცი სულის ქისტებისა
 არც ერთი დარჩა კაცია,
 ქისტების მარჯვენას სჯობდა
 იმ ორი გურჯის ცაცია.
 რომლითა გზითაც მოვლიან,
 ეგრევე გამოიარეს,
 ერთ წუთსა ოცი დახოცეს,
 თავი არ დააზიანეს;
 იმ სახლის სტუმარს-მასპინძელს
 ცხოვრება გაუტიალეს;
 ქისტების ბედისა ჩაღხი
 უკულმა დაატრიალეს.
 სოფელში რა გახდა ზათქი,
 ბევრი იტირეს, იზარეს;
 მათმა მღვეარმა ქისტებმა
 ცხრა გზას ეძებეს, იარეს.
 ვერ ჰპოვეს, უკან დაბრუნდნენ,
 თვალები მოიწყლიანეს,
 მკვდარნი იტირნეს, დაჰყვედრეს,
 თავნიმცა აუვიანეს:
 ორათ გურჯათა აბჯარმა
 ოცნი ვით დაგაჰკვიანეს.
 წაიღეს თქვენი აბჯარი,
 მთიულთა გაუზიარეს;
 გვიმუხთლეს, ჩვენც გაგვეპარნეს,
 ქარივით გაისრიალეს;
 დიაცებივით გაგვხადეს,
 ნაცარი დაგვინიავეს;
 ვაჟ-კაცთ დაგვხურეს მანდილი,
 ქალურად გაგვათმიანეს.
 დიღველთა მკვდრები დამარხეს
 როგორც იმათი წესია,

დაბრუნდნენ, შეძვრნენ კოშკებში,
 როგორც თავგები ხვრელშია.
 ერთადვე შამაიკობნენ,
 ხარჯ გაღიხადეს მკვდარისა,
 ლუდი სვეს და ხორცი ჰამეს
 კრავისა და ზვარაკისა.
 შეზარხოშდნენ, კითხვა შექნეს
 იმ ორისა მამაცისა:
 ვინ იყო, საით ვინ გაჩნდა,
 ამოგვწყვიტეს ლალატითა,—
 ერთმანეთს ეკითხებიან,
 ძმა ძმასა და მამა შვილსა;
 ყველა ამოხს, თუ არ ვიცით,
 შეგვიტყვია არავისა,
 ჩვენი მამანი, პაპანი
 არ მომსწრალან ამა ქირსა.
 ცალ მხრივ დიაცნი დამხდარან,
 მათთან ვინმე ქალი ზისა;
 იგი არა ჰგავს ქისტებსა,
 მას ფერი აქვს გურჯისტისა.
 ეს ქალა იყო ჩოხელი,
 ბიძაშვილი ბერაისა,
 გულდა მაყრით მოყვანილი,
 მოპარული ქისტებისა;



მომღერალი ქალი მარიამ ძნელაძისა.
 (გარდაიცვალა 14 მაისს)

მის სოფლის სახელოვნისა
 ცოლი იყო ბელადისა.
 იგი ქალი ფეხზედ ადგა
 და ქისტთ დაუკრა თავიო:
 თქვენ იცით რჯულით გურჯი ვარ,
 გულდამაყრელი ქალიო,
 ტყვედ მყოფი თქვენსა წინაშე,
 თქვენგანვე მონაპარო;
 იქ მყვანან გულდა მაყარში
 დედ-მამანი და ძმანიო.
 მაგრამ თქვენ მიჩვენისთ იმათ,
 თქვენი ათის წლის მკვდარიცო,
 ჩემი შვილები ვაჟაკნი,
 აგრეთვე ჩემი ქმარიცო.
 თუ გამიგონებთ, მე გეტყვით,
 ვინც თქვენი მტერი არისო:
 იგია ჩემი ბიძის ძე,
 სურვინ გგონიათ სხვანიო,

ბერაი არის ჩოხელი
 მის სახელი და გვარიო;
 ჩემთან მოვიდა ხვესური
 იმისი მონაგზავნიო;
 მოკითხვა შემოეთვალა:
 როგორ ხართ ძმა და დანიო;
 მოციქულმა სთქვა სიტყვანი
 ეგრე შევიდით-რვანიო.
 მეც უთხარ ჩემი ამბავი,
 როგორც მე შემეხებოდა;
 გითხრათ მართალი: მოკითხვა
 განა კი მიამებოდა!
 თუ კი მე არა ვზრუნავდი,
 იმათ რა ენაღვლებოდა!
 იგი ხვესური სიტყვასა
 ამ რიგათ მეუბნებოდა:
 ბიძის ძე წამოგეზარდა,
 გახარებ, გაიმებოდა
 თუმცა აქამდის სამშობლოს
 ნახვადი გენატრებოდა,
 მოვა ბერაი, წავიყვანს,
 თავი რათ გესაწყობოდა.
 შენ წასაყვანათ ბერაი
 ეხლავე ემზადებოდა,
 მაგრამა ცხადათ ვერ მოვა,
 ვერსაით შაგეყრებოდა.
 კვლავ მითხრა ძმაო, შენ წადი,—
 სიტყვითა მევედრებოდა,—
 ჩემ ბიძის ძეთა ჰკითხეო,
 გულში რა ებადებოდა;
 თუ უნდეს, წავალ, მოვასხამ,
 თავიმც არ მებრალებოდა.
 მე შეუთვალე ბერასა:
 ჩემი ერთგული ძმა ხარო,
 მადლობელი ვარ შენს გულსა,
 ჩემ საშველ გზაზე სდგავხარო,
 მაგრამ ჩემსა ძებნასა,
 ვიცი ამაოთ დახვალო;
 როგორც ცარიელი მოხვალ,
 უკანვე ეგრე წახვალო:
 იქნება ველარც წახვიდე,
 თავს ნუ წააგებ, საწყალო;
 გნახვენ, შენც დაგატყვევებენ
 და შეიქნები საბრალო;
 თუნდა რომ ვერც დაგიჭირონ,
 მეც ჩემს დედმამას წამგვარო,
 მე და ის ჩემი დობილნი
 თუ გინდ ერთმანეთს შეგვყარო,
 ის შენი თემი და არე
 ჩემის ნახვითა ახარო,—
 იღუმალ გამოვიპარვი
 და აქვე მოვალ ქმართანო;
 ძმაო, ნურა გზით ეცდები
 ქმარსა და შვილსა გამყარო.—
 სიცოცხე ვარმად მექცევის
 შავათ და ბნელათ სამყარო.
 ამნაირათ დავაბარე
 ეს პასუხი მოციქულსა:
 ჩემთვის ნურცა თავს მოიკლამ,
 ნურცა შეიწუხებ სულსა.
 ჩემს ქმარ-შვილს თავს ვანაცვალე,

შკვდართ ჩაებერავ ჩემსა სულსა;
 თეთრ ყორანს ვინლა შეხვდება
 საუკუნოთ დაკარგულსა;
 წყაროს წყალს ვინლა გაარჩევს
 დიდსა ზღვაში შერეულსა.
 ბერას ეგრე შეუთვალე,
 დავაბარე მას ხევსურსა.
 ესლა მითხრა და წავიდა:
 დაო, რათა ჰკარგავ რჯულსა.
 ეხლალა თქვენცა მიხვდებით,
 ვის თქვენი სისხლი უღვრია,
 ვინც დაგცემიათ ლალატით,
 უწყალოდ თავი უჭრია.
 მაშინ ლა მიჰხდნენ ქისტები,
 თითზედ კბენანი უწყიათ:
 ბერაი რას მოგვაგნებდა,
 ეგ თამარიძეს უქნია;
 რათ შევირიგეთ ჭეჭსური,
 დაუნდობელი გურჯია.
 სთქვეს: ნეტავ კვალად მოვიდეს,

კარს მოგვაყენე მტრადოა,
 შენც გასძეხ ჩვენი სისხლითა
 სიკეთის მაგივრათაო.
 ჩვენც გიზამთ სამაგიეროს,
 ნუ ჩაგვთვლით დიაცადოა;
 ან აქ სადამე მოგასწრობთ,
 ან გესტუმრებით მანდაო;
 შევიპყრობთ, წაგიყვანთ ტყვედა,
 შამილს მიგყიდით ყმათაო;
 აგვაგვებს საბოძვართა,
 თეთრს მოგვცემს საჩუქრათაო,
 იქნებით გიაურები
 ლეკების მსახურადოა.
 ფიცხნი ვართ ქისტნი ლილღველნი,
 ჯავრსა არ შევქამთ მტერთასა,
 ეგრე არ მოგერიდებით,
 ვით ლომი ძალთა ყეფასა;
 პირდაპირ მოდით, ნუ მალვით,
 ტანზედ აბჯარი გვეცვასა;
 თუ თქვენ გვაჯობოთ, მკლავზედამც

თუ ხართ თქვენების დამხსნელი,
 მაშინ გაიგებს ქვეყანა,
 ვისი გაქრების სანთელი,
 ვისი რა დედა ტიროდეს,
 შეილსა იგლოვდეს გამდელი.
 ბევრი გავგზავნეთ ამ სოფლათ
 იმ სოფელს მთიელ-ქართველი,
 ბევრიც დაღისტანს გავყიდეთ
 ქიზიყელი და ქართლელი.
 თუ ცოცხლები ვართ, არ მოვკვდით,
 ბერავ და თამარიძეო,
 რაც ტყვენი გავგიყიდნია, —
 თქვენც ივლით იმათ რიგზეო.
 უამბეს თამარიძესა,
 მოვიდა ომის ჟინზეო;
 ჩოხელს იბარებს ბერასა,
 ეგებ ჩქარ მომიხვიდეთ,
 ქისტები გვემუქრებიან,
 არ გვისვენებენ კიდეთ.
 რა ესმა ჩოხელს ბერასა



სკრიპკის დამკვრელი თამარ ქეღაძე.

ხშირად იღებს მონაწილეობას სხვა და სხვა საქველ-მოქმედო კონცერტებში. ეხ-
 ლო ტფილისში აპირებდა კონცერტის გამართვას, მაგრამ დედის გარდაცვალები-
 ბის გამო, გადაიღო.

ხანჯალი დავცეთ გულშია.
 ერთხანად თამარიძესთან
 ლილღველთა შემოუთვლია:
 თუ ქისტთაც ვერ გადგიხადონ,
 თავიმცა ქვაზედ უხლია.
 შე გველო, დაუნდობელო,
 ხევსურო, არამზადაო,
 გენდენით, შემოგირიგეთ,
 გაგეფიცვინით ძმადაო,
 ვით შენს ქვეყანას, ლილღოში
 დახვიდდი უშიშრადოა.
 დაგვით, გასვით და გაჭამეთ,
 ლხინი გიჩვენეთ გრძლადოა,
 ჩვენ ძვირი ფასით გიშოვეთ,
 შენ გვეყიდი იაფადოა,
 ვინმე ჩოხელი ბერაი

მარჯვენა ნულარ გვებასა,
 ნუშც გვიტირებენ დედანი,
 ნუმცლა ვინ გვეტყვის ქებასა;
 ლილღოსა კოშკნი წაგვექცეს,
 ცეცხლიმც ჩაგვექრეს კერასა.
 გირჩენით, თავსა უფრთხილდით,
 ქებნას ეხსენით ტყვეთასა.
 ტანზედ გვარტყია ფრანგული,
 ძვალის ყველივით გამქრელი,
 მხარზედ გვეყიდა ყირიმი,
 ვაჟი თორღაის ნაჭერი,
 ცოლად გვეყავს ლამაზი ქალნი,
 ტყვედ თქვენი გუდა-მაყრელი,
 ბევრიცა სხვანი ტყვები გვეყავს,
 არაგველი და ქართლელი.
 მოდით, პირდაპირ შეგვებით,



ვიოლონჩლის დამკვრელი ი. ავაშიაძე

გამართა კონცერტი ქუთაისში და ტფილისშიაც აპირებს გამართვას.

ძმობილის შემონათვალი,
 დიდხანს აღარ დახანა
 მუდამ საომრათ მზად არის,
 ქისტებზედ გალესილია,
 ვით მკათათვეში ნამგალი.

(დასასრული იქნება)

ია კარგარეთელი.

